

KU THORIWA KA DKD NGOBANI JOHNSTONE MAKHUBU TANIHI KHOMIXINARA WA SARS

Tshwane, 3 April 2026 – Khomixinara wa Vukorhokeri bya Xibalo bya Afrika-Dzonga (SARS), Ttn Edward Kieswetter, u amukela hi mavoko mambirhi ku thoriwa ka Dkd Ngobani Johnstone Makhubu tanihi Khomixinara lowuntshwa wa SARS ku sukela hi ti1 Mudyaxihi 2026, eka nkarhi wa ntlhanu wa malembe. Dkd Makhubu u thoriwile tanihi Xandla xa Khomixinara: Mbhurisano wa Vahakelaxibalo na Matirhelo ku sukela hi ti1 Mudyaxihi 2023.

Phuresidente u thorile Dkd Makhubu hi ku ya hi xiyenge xa 6 xa Nawu wa Vukorhokeri ya Xibalo bya Afrika-Dzonga wa 1997. Leswi swi landzela xiringanyeto hi phanele ya vakambelavutivi leyi rhangeriweke hi khale ka Holobye wa Timali, Ttn Nhlanhla Nene, leyi hi ntwanano yi ringanyeteke Dkd Makhubu tanihi loyi a lulameleke no va na mbhumambumelo wo ringanela ku nyikiwa xivandla xa Khomixinara lowuntshwa wa SARS.

Ntholo wa Dkd Makhubu i ku fika emakumu ka phurosese ya nkunguhato wa nandzelelano lowu nga kona na Khomixini ya Nkonaniso ya Nugent eka vulawuri na mfumo eka SARS. Ntholo wa Dkd Makhubu wu yimela ku ya emahlweni na xivandla xo yisa SARS eka xiyimo xa le henhla tanihileswi yi tirhanaka na mitlhontlho yintshwa eka mbangu wo nonoha swinene, lowu cincacincaka, na dijitali.

Khomixinara Kieswetter u vurile leswaku "Phuresidente Ramaphosa a nga va a nga lerisangi munhu wo ringanela swinene ku teka vulawuri. Dkd Makhubu u na vutivi byo angarhela bya SARS naswona u nghenelela swinene eka mihluvukiso eka SARS. A ku na ku kanakana emiehleketweni ya mina leswaku ntlakuko lowu wu kumiwile kahle. Ndzi tirhile na Khomixinara loyi a ha ku thoriwaka hi nyama naswona ndzi nga vula hi ku titshemba leswaku u ta phakela eka asayimente leyi ya nkoka yo pfuna ku aka mfumo lowu nga na vuswikoti ku tlakusa rihanyu ra Maafrika-Dzonga hikwawo hi ku hlengeleta xibalo hinkwaxo lexi kolotiwaka mfumo. Kun'we na vavanuna na vavasati va SARS, hi navelela Johnstone swa kahle tanihiloko a lulamisela ku teka xiave lexi xa nkoka tanihi Khomixinara wa SARS."

Dkd Makhubu u na *Phd in Leadership*, no va hetisile *Master in Business Leadership*, na *Bachelor in Electrical Engineering* na *Bachelor of Economics*.

Mayelana na vuxokoxoko hi xitalo, u komberiswa ku tihlanganisa na SARSMedia@sars.gov.za.